

9. ხელშეკრულების პროექტი

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ, (-----) წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“) სახელმწიფო შესყიდვების კანონის, სატენდერო პირობების, დოკუმენტაციისა და წინადადების საფუძველზე, გამარტივებული ელექტრონული ტენდერის (ტენდერის ნომერი) ჩატარების შედეგად, დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

9.1. ხელშეკრულების საგანი და შესყიდვის ობიექტი

1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტი.

1.2. შესყიდვის ობიექტია პროგრამული უზრუნველყოფის შემუშავება ინტერნეტისა და ინტრანეტისათვის (CPV 72212220), რაც ძირითადად გულისხმობს კომპანიის საიტის განახლებას-რედაქტირებასა და მის გამართულ ფუნქციონირებასთან დაკავშირებულ მომსახურებებს.

9.2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს {თანხა სიტყვიერად} დღგ-ს გათვალისწინებით (----- ლარი დღგ-ს გარეშე).

2.2. ხელშეკრულების ჯამური ღირებულება მოიცავს შესყიდვის ობიექტის შესყიდვასთან, ინსტალაციასთან, მიწოდებასთან დაკავშირებულ ყველა ხარჯსა და საქართველოში მოქმედი კანონმდებლობით დადგენილ გადასახადებს (გადასახდელებს).

9.3. ანგარიშსწორების ფორმა

3.1. ანგარიშსწორება განხორციელდება ეტაპობრივად, „მიმწოდებლის“ მიერ ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის/დავალების) ღირებულების შესაბამისად, მიღება-ჩაბარების დამადასტურებელი შესაბამისი დოკუმენტის საფუძველზე, საანგარიშსწორებო დოკუმენტაციის წარმოდგენიდან 5 (ხუთი) სამუშაო დღის განმავლობაში.

3.2. ფაქტიურად მიწოდებული შესყიდვის ობიექტის (მისი ცალკეული შემადგენელი ნაწილის/დავალების) მიხედვით მიმწოდებელთან ანგარიშსწორებისას, შემსყიდველი უფლებამოსილია ასანაზღაურებელი თანხის ოდენობიდან გამოქვითოს (შეამციროს ანაზღაურება) წინამდებარე ხელშეკრულების 12.1. და 12.2. პუნქტში მითითებული, მიმწოდებლისათვის დარიცხული და იმ კონკრეტული მომენტისათვის გადაუხდელი პირგასამტეხლოს ოდენობის თანხა.

9.4. მიღება-ჩაბარების წესი

4.1. წინამდებარე ხელშეკრულების დანართი N1-ით გათვალისწინებული თითოეული დავალების დასრულების შემდეგ მიმწოდებელი ვალდებულია, შემსყიდველს წერილობით აცნობოს დავალების დასრულების შესახებ და უშუალოდ განახორციელოს შესრულებული დავალების პრეზენტაცია შემსყიდველთან. წარდგენილი პრეზენტაციის შედეგად შემსყიდველის მიერ აღმოჩენილი ხარვეზ(ებ)ის შემთხვევაში, შემსყიდველი წარუდგენს მიმწოდებელს წერილობით მოთხოვნას აღმოჩენილი ხარვეზ(ებ)ის აღმოფხვრის შესახებ აღნიშნული ხარვეზ(ებ)ის მითითებით, რის შემდეგაც მიმწოდებელი ვალდებულია უფასოდ აღმოფხვრას აღმოჩენილი ხარვეზ(ებ)ი და უნაკლოდ შესრულებული სამუშაო წარუდგინოს შემსყიდველს ხარვეზ(ებ)ის აღმოჩენიდან არაუგვიანეს აღნიშნული დავალების შესრულებისათვის განსაზღვრული დღეების რაოდენობის 1/5-ისა.

შესყიდვის ობიექტის (მისი ცალკეული შემადგენელი ნაწილის/დავალების) მიღება-ჩაბარება ხდება მას შემდეგ, რაც შემსყიდველის მხრიდან ხელშეკრულების შესრულების კონტროლის

განხორციელებისას, არ იქნება გამოვლენილი შესყიდვის ობიექტის (მათ შორის ინსტალაციის) რაიმე ნაკლი ან ხარვეზი.

4.2. შესყიდვის ობიექტის (მისი ცალკეული შემადგენელი ნაწილის/დავალების) მიღება-ჩაბარება დასტურდება ამ ფაქტის დამადასტურებელი შესაბამისი აქტით, რომელსაც ხელს აწერენ ორივე მხარის უფლებამოსილი წარმომადგენლები.

9.5. შესყიდვის ობიექტის მიწოდების ადგილი და ვადა

5.1. შესყიდვის ობიექტის მიწოდების ადგილია „შემსყიდველის“ ოფისი ქ. თბილისში.

5.2. შესყიდვის ობიექტის მიწოდების საერთო ვადა განისაზღვრება ხელშეკრულების დადებიდან 120 დღით, მაგრამ არაუგვიანეს 2018 წლის 15 დეკემბრისა, ხოლო მისი ცალკეული შემადგენელი ნაწილ(ებ)ის/დავალებების მიწოდება ხდება №1 დანართში და N2 დანართში მითითებული ვადების შესაბამისად.

9.6. მხარეთა უფლება-მოვალეობანი

6.1. „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის კონტროლი;

ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;

ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;

გ) შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს მოცემული ხელშეკრულებით გათვალისწინებული თავისი უფლებები და ვალდებულებები მესამე პირს.

დ) მიიღოს ყველა ზომა შესყიდვის ობიექტის ან/და მისი შემადგენელი ნაწილების ინფორმაციული უსაფრთხოების დაცვის მიზნით, რაც გულისხმობს და არ გამორიცხავს მიმწოდებლის ვალდებულებას, არ დაუშვას შექმნილ შესყიდვის ობიექტსა და მასზე განთავსებულ ინფორმაციასთან მესამე პირთა უკანონო წვდომა.

9.7. შესყიდვის ობიექტის გარანტია

7.1. შესყიდვის ობიექტზე ვრცელდება საგარანტიო მომსახურება, რომლის ვადები მოცემულია წინამდებარე ხელშეკრულების №1 დანართში და აითვლება შესაბამისი კონკრეტული დავალების მიწოდების განხორციელებიდან.

7.2. საგარანტიო მომსახურების პერიოდში შესყიდვის ობიექტის (მისი ცალკეული შემადგენელი ნაწილის/დავალების) ნებისმიერი ნაკლის/ხარვეზის აღმოჩენის, გაუმართაობის შემთხვევაში,

„მიმწოდებელმა“ უფასოდ უნდა გამოასწოროს/აღმოფხვრას იგი „შემსყიდველის შეტყობინებიდან“ 3 (სამი) სამუშაო დღის განმავლობაში.

9.8. ხელშეკრულების შესრულების კონტროლი

8.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

8.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორი (შემსყიდველისგან უფლებამოსილი პირის სახელი და გვარი ან/და თანამდებობა).

8.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

8.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9.9. ხელშეკრულების მოქმედების ვადა და შესრულების უზრუნველყოფის გარანტია

9.1. წინამდებარე ხელშეკრულება მოქმედებს მისი ხელმოწერიდან 2019 წლის 31 იანვრის ჩათვლით, ხოლო ფინანსური ვალდებულებებისა და საგარანტიო მომსახურების ნაწილში - მათ შესრულებამდე.

9.10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 3 (სამი) სამუშაო დღის ვადაში.

10.4. მიმწოდებლის მიერ წინამდებარე ხელშეკრულებით ნაკისრი ვალდებულების დარღვევის შემთხვევაში, მათ შორის და არა მხოლოდ, დანართი N1-ითა და დანართი N2-ით გათვალისწინებული თითოეული დავალების შესრულების ვად(ებ)ის დარღვევის შემთხვევაში, შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მიმწოდებლისათვის წერილობითი გაფრთხილებიდან 3 (სამი) სამუშაო დღის ვადაში.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9.11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

9.12. ჯარიმა და პირგასამტელო.

12.1. ფორს-მაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლოს გადახდის ვალდებულება ყოველ ვადაგადაცილებულ დღეზე შეუსრულებელი ვალდებულების ღირებულების 0.05%-ის ოდენობით. პირგასამტეხლოს დაანგარიშება ხორციელდება წინამდებარე სატენდერო პირობებით/ხელშეკრულებით გათვალისწინებული ვადების დარღვევის შემთხვევაში, ამ ვადების დადგომის მეორე დღიდან. პირგასამტეხლოს დარიცხვა განხორციელდება კალენდარული თვის ბოლო კალენდარულ დღეს. დარიცხული პირგასამტეხლოს გაანგარიშება შესაბამისი მხარის მიერ წერილობით ეგზავნება მეორე მხარეს კალენდარული თვის დასრულების შემდეგ. მხარეს პირგასამტეხლოს გადახდის ვალდებულება წარმოეშობა აღნიშნულის თაობაზე წერილობითი შეტყობინების მიღებისთანავე.

12.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, „შემსყიდველი“ იტოვებს უფლებას:

12.2.1. შეწყვიტოს ხელშეკრულება და ხელშეკრულების პირობების შეუსრულებლობის შემთხვევაში, 12.1. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო ხელშეკრულების საერთო ღირებულების 10%-ს ოდენობით, ხოლო ხელშეკრულების ნაწილობრივ შესრულების შემთხვევაში, 12.1. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ს ოდენობით და მოსთხოვოს „მიმწოდებელს“, ხელშეკრულების შეწყვეტის მომენტისთვის, გადასახდელი პირგასამტეხლოს ანაზღაურება სრულად.

12.2.2. ასევე, ხელშეკრულების შეწყვეტის გარეშე, ხელშეკრულების პირობების შეუსრულებლობის შემთხვევაში, 12.1. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო ხელშეკრულების საერთო ღირებულების 10%-ს ოდენობით, ხოლო ხელშეკრულების ნაწილობრივ შესრულების შემთხვევაში, 12.1. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ს ოდენობით და მოსთხოვოს „მიმწოდებელს“, გადასახდელი პირგასამტეხლოს ანაზღაურება სრულად.

12.2.3. წინამდებარე მუხლის 12.2. პუნქტით გათვალისწინებულ შემთხვევებში, მხარეს პირგასამტეხლოს გადახდის ვალდებულება წარმოეშობა აღნიშნულის თაობაზე წერილობითი შეტყობინების მიღებისთანავე.

12.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

9.13 კონფიდენციალურობა და საავტორო უფლებები

13.1 მიმწოდებლის მიერ შექმნილი ამ ხელშეკრულებით გათვალისწინებული შესყიდვის ობიექტი, ასევე მისი დიზაინი წარმოადგენს შემსყიდველის საკუთრებას. დაუშვებელია მისი გამოყენება ან მესამე პირებისათვის გადაცემა შემსყიდველის წერილობითი თანხმობის გარეშე.

13.2 მიმწოდებელი ვალდებულია, სახელშეკრულებო პერიოდში დაიცვას შემსყიდველისაგან მიღებული იმ ინფორმაციის კონფიდენციალურობა, რომლის გამჟღავნება ან გახმაურება ეწინააღმდეგება შემსყიდველის ინტერესებს. ეს ვალდებულება ძალაში რჩება ხელშეკრულების შეწყვეტის შემდეგაც, გასული დროის ან შეწყვეტის მიზეზის მიუხედავად.

13.3 ამ ხელშეკრულებით გათვალისწინებულ შესყიდვის ობიექტზე საავტორო უფლებები გადადის შემსყიდველზე.

13.4 შესყიდვის ობიექტი და მისი დიზაინი - წინამდებარე ხელშეკრულების მოქმედების მთელი პერიოდის განმავლობაში და მის შემდეგაც წარმოადგენს შემსყიდველის ინტელექტუალურ საკუთრებას და იგი უფლებამოსილია შესყიდვის ობიექტის მიღების შემდგომ ნებისმიერ დროს შეცვალოს, განავითაროს, გადაიტანოს, გაამრავლოს ან სხვაგვარად განკარგოს მასზე განთავსებული ინფორმაცია და დიზაინი.

13.5 მიმწოდებელზე ამ მუხლით დაკისრებული ვალდებულებები ძალაში რჩება ხელშეკრულების ნებისმიერი საფუძვლით შეწყვეტის მიუხედავად.

9.14. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ _____
ქ. თბილისი. ბარათაშვილის ქ. №2 ტელ. 240-14-20 სს „თიბისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი} გენერალური დირექტორი	{სახელი და გვარი} {თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს} {წელი}
{რიცხვი} {თვე} გაფორმებული ხელშეკრულების დანართი №